



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1663. usque ad annum 1674

Fleury, Claude

August. Vind. [u.a.], 1780

VD18 90119193

§. 57. Monasteriensis Episcopi bellum contra Batavos.

[urn:nbn:de:hbz:466:1-67332](https://nbn-resolving.org/urn:nbn:de:hbz:466:1-67332)

Sæc. XVII. religione mori vellent, deposcere, sed
A. C. 1665. prius Judex aut Consul, id ab ægri-
 peteret, acceptoque reponso tunc pri-
 mum Parochus accederet. Plura ad-
 huc alia edicta hoc anno contra
 Hugonottas fuere promulgata, quibus
 eorum audacia repressa, numerus im-
 minutus & privilegiorum, quæ armata
 vi, & seditionis ope extorserant, ex-
 cessus fuit restrictus.

§. LVII.

*Monasteriensis Episcopi bellum contra
Batavos.*

Newville!
Hist. d'Holl.
t. 2. c. 3.
pag. 140.
Tuld. Hist.
Decen. l. 3.
Hode Hist.
de Louis
XIV. l. 28.

Sedato Monasteriensis urbis tumultu
 Christophorus Bernardus de Gallen
 hujus loci Episcopus graviter collide-
 batur cum Batavis; cum enim mortuo
 improli Justo Comite de Bronchtort
 Borkeloa Zutphanienſis Comitatus di-
 ctio, utpote feudum masculinum ad
 Monasteriensem Episcopatum devolve-
 retur, eam Episcopus Imperialis Ce-
 riæ Spirensis sententia fretus, occu-
 pavit, misſoque Hagam Comitum De-
 cano a Fœderatis Ordinibus hujus di-
 ctionis possessionem sibi afferi petiit. Opi-
 tulabatur etiam Episcopo Galliarum
 Rex, qui causſæ hujus æquitatem pet-
 suum Legatum Belgis impense com-
 mendabat: incassum tamen omnia; vanis
 enim

enim pollicitationibus & verbis Geldriæ Sæc. XVII.
Ordines Episcopum sua spe frustrabant. A. C. 1665.
Accessit postea veteri huic simultati no-
vum dissidii argumentum: cum enim
Frisiæ Orientalis Princeps æs alienum,
quod Liechtensteinio Duci debebat, ex
Judicii Aulici sententia solvere com-
pelleretur, hujusque mandati execu-
tio Westphaliæ Principibus deman-
data esset, Episcopus, qui Westphali
circuli Director erat, ex mutua utrius-
que Principis conventionem se pecunias
Liechtensteinio numeraturum spon-
dit, ea tamen lege, ut in debiti secu-
ritatem Comes Episcopo Eyderum ca-
strum cederet. Verum Batavi, cum
hujus Episcopi ad thiam & galeam
æque prompti vicinitatem sibi exosam
haberent, Frisiæ Principem ab hoc
consilio avertunt, huncque in finem
pecuniæ Liechtensteinio persolvendæ
terminum eidem præfigunt, polliciti,
si Comes morosus fuerit, se nullo pacto
demandatæ executioni obstituros: pro-
missis tamen animosiores erant Batavi,
quam facti; quamprimum enim Epi-
scopus solutione præstituto termino
nondum facta, Eyderum suo præsidio
firmaverat, mox illi cum quinque ar-
matorum millibus, ductore Guilielmo
Friderico Nassoviæ Comite, ac Frisiæ
Gubernatore, Eyderum arcem obsede-
runt,

Sæc. XVII. runt, occupatisque pluribus Monasteri-
 A. C. 1665 riensis Diæcesis urbibus totam circum
 regionem terrore ac strage repleverunt.
 His angustiis pressus Episcopus litem
 componere, arcemque reddere spopon-
 dit, dummodo Comes debito suo, ut
 pollicitus erat, satisfactorus esset: Tan-
 tum aberat, ut Batavi tam honesta
 conditioni aures præberent, ut etiam
 Comitem instigarent, quatenus arcem
 obsideret, quam etiam die quarta Junii
 deditione sibi subjicerat, atque a Monas-
 teriensibus quindecies centum flore-
 norum millia postulabat. Sub idem
 tempus bellum Anglos inter & Hollan-
 dos ob navigationem ad Guinææ oram
 exortum flagrabat, cum autem Ebo-
 racensis Dux Caroli II. Anglorum Re-
 gis Frater Batavicam classem contem-
 neret, Franciæ Rex Hollandis sex mi-
 lium millia suppetias, Ductore Bro-
 dellio misit, Anglus vero Monaste-
 riensem Episcopum, ut Batavos mari-
 timo bello implicitos armis premeret,
 sollicitavit: Hic igitur opportune hæc
 temporis vicissitudine usus, collecto
 viginti millium exercitu bellum Bata-
 vis Mense Septembri denuntiavit, ac
 prospero armorum successu plures
 Transisalanæ Provinciæ urbes cepit,
 continuatoque victoriarum cursu in
 Transmosanas regiones & Gröninganas
 terras

terras excurrens, incolis acerbas pe- Sæc. XVII.
 cuniarum multas imposuit: Interea A. C. 1665.
 vero Mauritius Nassoviæ Princeps Gal-
 lico milite auctus, Episcopales copias
 ex nonnullis urbibus denuo ejecit, ca-
 ptisque mille Monasteriensibus sexcen-
 tos ingenti clade protrivit. Episcopus
 autem publico proclamate damna sibi
 in bello ante biennium moto illata re-
 sarciri, necnon Eyderum & Boskeloam
 arces sibi inique ereptas restitui, a Ba-
 tavis petiit, exponens, quod sine ulla
 caussa ejus Diæcesin ferro flammaque
 devastarint, Nobiles tributis exhau-
 serint, & rusticos adeo male habuerint,
 ut trucidatos etiam inhumana crude-
 litate ignibus succensis torrere, Eccle-
 sias contaminare, & quicquid sanctum,
 sacrumque erat, pedibus conculcare,
 sacras Imagines, imo ipsam quoque
 Christi Cruci affixi effigiem ipsis etiam
 Turcis venerandam confringere, hor-
 rendasque in S. Hostiam, Deumque
 blasphemias evomere, & Catholicos
 ignominiosis convitiis impetere non ab-
 horruerint: Verum ad hæc Batavi Gal-
 lico auxilio freti surdas habebant au-
 res; paulopost tamen Imperator, nec-
 non Coloniensis, Saxonicus & Brande-
 burgicus Electores, aliique Principes
 pacem inter Belligerantes Cliviæ con-
 ciliare nitebantur, quorum etiam opera

Hist. Eccles. Tom. LXIII. M die

Sæc. XVII. die decimo octavo Aprilis conventum
 A. C. 1665. est, ut Episcopus juri suo in utramque
 arcem cederet, redditisque urbibus
 hucusque occupatis, & captivis utriusque
 sine lytro dimissis, milites suos
 exauctoraret, ac se nunquam adversus
 Rempubicam bellaturum polliceretur,
 vicissim vero Belgæ spondebant
 se copias suas ex Episcopi ditio-
 ne abducturos, nilque hostile contra eum
 machinatos, omnique foederi renun-
 tiaturos. Hunc denique exitum habuit
 hoc bellum utrique parti funestum
 cujus æquitatem ab armorum successu
 metiri haud licet, felicitatem vero ad
 hostium præpotentia ac numero fuisse
 partam, negari non potest.

§. LVIII.

*Pax Cæsarem inter & Turcas
 Pannoniæ firmata.*

*Priorat.
 Hist. Leop.
 p. 2. l. 5.
 Tuld. Hist.
 Hung. l. 1.
 tom. 3.*

Cæsis apud S. Gothardum Turcis
 premus Vezirius missis ad omnes
 Ottomanni Imperii Provincias legatis
 nova militum supplementa submitti
 petiit, per Styriam in interiora Austriae
 ditiois penetraturus: interim Such-
 sius Marecallus Parkanum unacum
 ponte navali incendit, fugatis plus
 quam mille sexcentis hostibus: inca-
 sum tamen Rudolphus Neosolium oc-
 cupavit.